

24072
= 10

扶左堂續集卷三

嘉定孫致彌愷似著

荆州聲山西厓西齋合樽招飲即事用暘谷花

朝韻

五年舊雨夢京華重得班荆望已賒却趁青旗同貫

酒敢從紫陌賦看花虬鬚幸保頭顱在

用崔
琰事

馬齒休

嗟歲月加肯負鳳城春色好杏梢紅破柳初芽

移寓即事四首

重向銅街踏軟塵宣南坊裏寄閒身舊交耐久能分

宅小住隨宜也卜鄰窮巷驚添車馬跡望衡錯擬宦
遊人誰知寂寞成都客不賦甘泉賦逐貧

二

借得閒房類鑿坏盤盤曲徑篆文回已無呼殿當前
開更有軒窗向北開風蕩疎簾分樹綠雨滋小壑選
花栽應門第一頒童約莫報紅塵熱客來

三

橫木爲門且閉關去天尺五得深山儘容甥舅同棲
止尚有賓朋共往還室比毘耶纔十笏屋如叅佐亦

三間典衣先揀桃笙買消受清宵好夢閒

四

從教家具少於車坐嘯行吟亦晏如滿眼筒傾賒得
酒等身架擁借來書何妨元亮餅無粟豈必馮驩食
有魚多謝天公憐倦客連宵甘雨茁園蔬

送閻音錢子之任茂名

憶昔丙寅夏碧山聚名流久要出肝膈文酒相綢繆
坐中吳與君年少才獨優泊乎戊辰春曲江快同遊
送君需次歸愧我索米留君遭削杖悲數載淹林邱

我忽罹量學劣免虎穴收君獨憐我冤慰言頻伊嘍
醉以醇醪濃重以仁粟調譬如孤飛鳥銜羽逢周周
亦如得甘草野鹿鳴呦呦不知羊左輩至誼有此不
今年復相見彈冠鳳凰樓溫潤見荆壁鋒鋷耀吳鉤
謂宜治畿輔乃竟除潘州潘州在何許遠隔天南頭
百粵富珠貝此獨為窮陬倚郭事繁劇牒訴民啁啾
旁人為悵然君氣壯且邁炎方亦王土要在政教修
期使蠻蠻鄉如密如中牟君本名公孫台鉉垂箕裘
烹鮮雖小試道與調燮侔公侯之子孫當復為公侯

努力樹循績使我寬離愁使君鄭高密舊尹王子猷
並為同年生料必芥珀投為我道相思不復煩書郵
老病須藥物憑從鄭君求
煩向禹梅求
化州陳皮王子困鍛羽
速令具歸舟君心猶我心自能委曲謀放筆寫長篇
聊以賡蠻謳

不寐

夜鐘敲斷夢難甘酒醒燈昏轉不堪心逐六龍飛
漠北眼穿雙鯉隔江南離愁日緩看衣帶壯志頻虛
撫劍鐔頓覺霜毛添短鬢明朝應更不勝簪

賀李丹壑

丹壑舉第三子適賜合肥公節孫有詩余次其韻

東宮以麀

充閭餘慶却宜冬行馬門高間氣鍾試向西豪占象
緯何星來作第三龍

二

石麟初見下人間正遇恩從鶴禁頒好並賜魚成
故事趨庭詩禮紹尼山

三

謝公庭下玉成行燕姑重徵夢裏香乍聽啼聲占夙
慧他年解指鹿邊麀

四

蟠根仙李發孫枝三索爭看玉雪姿世掌絲綸弓冶
在鳳毛還入鳳凰池

偶贈七疊題扇韻

管領花香與月明謫來猶得侍長生奪他紅粉十分
艷住近銀河一曲清鳥爪爬休生妄念龍鬚席敢賦
閒情唯餘枕上故山夢猶傍蹋歌行處行

贈黃葵園

南田弟子也

雲溪外史逃名士點筆丹青恣遊戲粉本流傳奪化

工何人入室稱高弟黃郎早擅無雙目研丹吮粉窮
能事妙得鮮花汪鳥情巧含真色生香意譬如書法
傳練裙買王得羊望亦遂見君筆跡久相思何意今
來愜把臂典衣便詣黃公壚擊筑同謀燕市醉年少
如君太不廉何異梁臺歎朱异漢索琵琶賀若琴絃
清管脆歌喉細每憐笑語暢歡情轉覺沉冥多道氣
遠從抱朴受真詮吐納經伸探奧秘乃知道妙握其
機紛紛狡獪皆餘技酒闌更展鵝溪絹乞為秋花寫
幽媚要使南田盤礴人文采風流長不墜只愁妙画

亦通靈靈寶厨中難久置

酬荊州見懷之作兼似實君寄亭康飴來菴綏

仲文子質君西厓陂千元朗仍用鳩巢韻

仙籍曾同列許茅五年笑我燕離巢龍埋劍氣憑誰
賞馬瘦銅聲枉自敲重把蒲葵新贈句難忘杵臼昔
論交舊遊即事多張觸夢斷銀河水一坳

二

難誅宋玉宅邊茅生計如鳩上寄巢詞客句從天外

得元朗和移酒家門許夜深敲掇煤事往憑公論裏

寓詩最工

飯情多愧故交老我投閒無所恨相期努力侍螭坳
即事戲東許二疊題扇韻

頻傳青雀語分明瞥見霜髯覺眼生文武火遲金骨
換軟紅塵避玉肌清酒難醉客應無用雨只催歸太
不情却羨鼯黹貪睡漢夢魂先趁馬蹄行

和顧俠君小秀野

斜枕銀灣背碧城閒門曲折小窗明渾忘宣武街前
鬧只似閭邱坊裏行

二

紅碧牙籤四部陳吟殘長日短檠親如何九陌槐黃
候亦有江南閉戶人

三

朋好過從命酒鎗吳酸還促絮南烹依然錦石薊林
畔滿坐三儂笑語聲

四

不遣紅塵近碧紗新移蕉竹翠交加笑他蜂蝶空偷
眼爭識吳王苑內花

獨樹坡爲許不棄賦

祖澤懷長松綠坡不知數兵火忽見髡山童石骨露
多君移宰木還植於舊處孤根勢鬱盤直上青天拄
亦如公侯家子孫復其故緬想華陽夢清芬有餘慕
何當復南遊從子譽嘉樹

次東田韻送君山南歸

銀灣柳碧水漸漸雙燕初歸語畫檐人共春光花外
去詩傳別恨酒邊添久淹塵土驂騮老漸近家鄉蕨
筍甜想見浮山行樂處茶蘼如雪月開奩

送霜亭南歸

鳳凰城畔久因依喜及春光送爾歸闕下拜恩毛義
檄堂前稱慶老萊衣酒傾燕市穿花去鞭指吳雲共
鳥飛想到故園櫻筍好煙波吾亦夢漁磯

賦得衆仙同日詠霓裳

限同字
館課

儒科高第日仙籍上昇同伏火丹能就梯雲路盡通
聯名標碧簡接武謁珠宮法曲來雲外清吟傍月中
香沾清桂露袖惹白榆風紫府朋遊盛丹臺品秩崇
有心勤吐納無計向虛空換骨神方在惟應仰至公
讀悔人詠新城公帶經堂花竹詩有感

長安尠嘉卉家家治園圃花綱歲連檣移栽自南土
遠或踰嶺嶠近猶出吳楚花竹豈無知亦欲依賢主
朱門酒肉旁芬菲雜腥腐開落塵坳中何如埋宿莽
煌煌新城公樹人勤握吐餘事及灌花栽培皆得所
花中六君子羅列芝蘭伍品題命坐客覓句秋月午
誰歟獨擅場兼人見東浦體物無遺情寄興各有取
盤州陋洪适江頭凌杜甫髯也實軼倫餘勇曳車賈
沅湘蘭芷間臭味夙相許託根近九畹露足被時雨
相期懷縣花終入虞淵簿肯使空谷芳秋風滯東魯

又題阮亭先生禪悅圖

論詩如禪宗我聞諸嚴羽妙悟最上乘一花五葉聚
聲聞辟支果知解固無取龍象得我公直契西來祖
如大香水海又若塗毒鼓愍渡拯末法一指俱胝豎
雅鄭窮源流別裁期復古願我諸學人共拈瓣香炷
稽首人天師皈依廣大主席幾託津梁毋或偏規矩
服膺三昧編滴滴露法乳

至日雪後劉雨峰招同王樵谷孔東塘王崑繩

雅集分韻

木石堂集卷三
八
至日重煩折簡招舊諳門巷喜非遙相呼麴部醒還
醉莫比桃園歌且謠我道喜占葭律轉此身甘比雪
花飄消寒九九從今始擬向江梅瓣上消

題陳六謙戴笠圖

太白樓邊笑相揖人笑狂生兩戴笠相期不作溫飽
人勛業須乘少年立驅車我乍返句麗捧檄君旋赴
安邑一爲判袂再周星夢想何由手頻執今我青籟
賦遂初喜君粉署含香入吟苦直過老杜瘦書工不
數小王習 九重激賞 少海知筆札行看上方給

殷勤偏是念窮交腐芥猶邀琥珀吸停觴廢箸屢歎
詫欲挽陽春振幽蟄長安滿眼紛冠蓋有幾如君急
人急不負丹鷄白犬盟誰道古今不相及

送洪九歸省兼呈紫馭五兄

吾兄有才子久客長安道秋來動鄉思爲別何草草
言念定省疎歸心先去烏伊余久羈孤幾人共懷抱
所賴相因依獨有衰宗寶爾復捨我去使我心如搗
爾秉珪璋質追琢富文藻餘力事臨池往往逼醉藁
我書苦醜惡捉刀每相惱孰知琉璃硯向後日枯槁

却羨吾老兄山中友綺皓到門拜家慶正及秋光好
舞綵潔晨飧捧觴祝難老定憶倦飛禽歸棲苦不早
贈行乏秦策緘劄託魯縞持此獻阿翁軒渠應笑倒
胡茨村招同園再集拈真虞韻
山桃花下醉經旬繁杏俄看碎錦新漸覺春光拋擲
易肯辭良會往來頻奇文更共南村賞妙舞還同北
里陳却笑閒身閒未得長因出飲蹋紅塵

二

置驛重煩折簡呼愛他好鳥勸提壺月泉許續新吟

社雲液仍酣舊酒徒改席坐圍花爛熳看場人簇錦
糝糊憑君却泥丹青手別寫春宵雅集圖

題張魯菴寒潭印月圖

太白衆星月叔度千頃陂清芬邈千載想像不可追
吾友留侯孫風流實兼之如水靜可鑑如月圓中規
長空掃氛翳碧沼生漣漪吐爲冰雪文金瑜富陸離
出爲霖雨用岳牧膺疇咨匡時績方懋寄興良獨奇
如何巖石間貌此熊豹姿仰看團圞月下映清泠池
嗒然隱鳥几坐使塵慮遺古之用世人恒抱世外思

謝傳爲蒼生未忘東山碁長源竊鞅日夢想採藥時
勛名特餘事何足用意爲但若明明月垂照光無私
又若汪汪水澤物物不知心與造化遊端朕誰能窺
今君方叱馭薇省開坤維倦客繫寒匏無計相追隨
炯炯一寸心日夕西南馳唯當明月夜却向碧水湄
臨流翫清影萬里通心期

寅谷招遊怡園移席張司業齋即事分得不字
吾友謫仙人臭味同蕙鬱良晨命朋舊風雅共揚扞
屣步歛名園熏風初弗弗庭前楸花繁簷際柳陰苑

暗泉鳴琮琤倒影映蔽芾一賡濯纓唱用補秉簡袂
却過張司業書堂淨空埽行厨耐何醇賓榻塵旋拂
同心十四人一一才健倔珠光乘可照劔鋒鐘可刺
古調謝雕鐫強韻押詰屈揮毫風雨來落紙雲霞蔚
豪興恣拍浮羈愁藉攻熨深杯促坐飛餘瀝霑衣駭
且飲樂厭厭任春去忽忽鯖不羨五侯經不慕千佛
詩城壘相當醉鄉道無第我生若園虎馴擾隸服不
病少探骨醫食恥搖尾乞賴有塵外契醉以杯中物
金瑜富新製好我過大屈九勿切濡髮傾盃鐺忘形遺

簪紱良會不可常醉歌識髣髴

擬謝靈運九日從宋公戲馬臺集送孔令詩原

韻館課

秉蘭契春流授簡賦暮雪何如臨高臺遙矚秋光潔
遂紆上宰駕茲馬弭旄節睠惟遺榮人勇退效明哲
保此千金罈不受黍米缺是時萸菊苦秋光亦可悅
供帳藹如雲祖餞傾朝列勿辭王爵揮但恐驪歌闕
賢哉蘭省彥遠紹二疏轍繫維諒無由怡悵徒惜別
霜天翔冥鴻戀棧愧鴛劣

陪館師尚書韓公及胡南荅汪東川王瑁湖三
先生張寄亭查昇山湯西厓張凌秋汪文升安
公周漁璜集李寅谷書齋看桂花即事同用前

韻

叢桂何連蜷冬榮耐冰雪繁英吹古香及此秋光潔
主人夙愛客芳酌釀松節花間張綺筵盍簪聚時哲
我師夔龍侶遐寄師鬻缺嘯詠競良辰卉木亦光悅
賓朋芥珀投生徒鳧鴈列興酣觴百巡樂過歌三闕
惜無魯陽戈駐彼羲馭輟纖月印芳林徘徊未忍別

高吟繼小山今古孰優劣

送歲用東坡韻

館課

少愛年華增老願飛光遲奈此雙跳丸夸父莫能追
每為歲欲盡輒念生有涯何況杖鄉人非復少壯時
恥逐揚雄貧懶齒蔡澤肥功業嗟未立難遣脾肉悲
速呼滿眼酤自勸醉莫辭此中有妙理聊以扶吾衰

二

殷勤勸新年為我來遲遲為恐此殘臘一去不可追
自憐此歲中得免潛幽涯所以與之別纏綿異他時

坐惜燭易短翻厭梅花肥得毋歲與我亦有別離悲
久留且未得且緩須臾辭此日詎能忘可愛如趙衰

九日將至荆門先生訂期七日各携酒肴於臨

野閣為登高之會適

致彌

先應樹峰兄招集同

宗中席趨赴則座客已散矣坐中雲岡言席上

先生命各以臨野閣三字為韻即事賦詩

彌雖

後至不及與會其可無詩乎抑閣中景物皆為

諸公所占則後至者亦未嘗非幸也

吾師道何廣欲奪溟渤深忘分及生徒得酒必共斟

佳晨近重九宿戒相招尋孰知並我舍佳釀來南潯
期我挂鷓夷嘯侶同登臨

二

高會有前期無不踴躍者致師老門生舍我其誰也
數循種種髮已拚濡盃竿無端親串淹坐令斜陽下
後至等防風由也何其野

三

內集多情話師命有宿諾逃酒作妄語佯不勝杯勺
豈知款門時客散燈已落縱飲望未饜食言返多怍

載酒須重來謝過醉高閣

香泉招為臨池消夏之集是日雪坪將歸於坐

上作画諸君子皆分韻題以送之予病不能赴

雪坪代拈得枕字

消夏何所宜宜作文字飲及至開樽日美痰乃孤寢

一醉天亦慳命薄何太甚群雅合南北温邢兼任沈

既題蒲葵扇更賦柗榴枕書從懷瓘斷詩入鍾嶸品

更愛聽山翁

雪坪自號

將歸弄墨瀋寫作峩峩山下臨江

淄淄使我口流涎如鳩思食甚又若朽腐餘尚欲蒸

芝葦吾聞蛟螭遊亦有文魚騰筆陣再交綏其無舍
狼贖

耦長以漁洋辛齋兩先生詩卷見示

漁洋格比左司淡射的才欺東野寒臺閣山林誰鼎
足賞音惟許一都官

題林吉人看雲圖

林髯挺秀嶺海間右旗左鼓朝三山讀書養親白雲
裏流泉何急雲何閒竭來燕市喜相遇懽懽未終忽
辭去秋來南望見雲飛鄉心已到雲生處頰上添毫

誰貌君披襟坐對雲氤氳畫師直是知君意不戀青
雲戀白雲

秋日病中疊前韻

蛛封筆格几凝塵半月生疎硯北身却對殘編逢舊

好盡將佳句釀比鄰

謂節孫天復也

鄉心迢遞楓愁客旅况

蕭閒菊笑人莫道更無錐可卓充囊藥券未全貧

二

環堵如城也要坏自搜篋笥典錢回久輸鞵雀巢偏
巧且避顛當戶莫開樹到秋深花懶放畦當霜後菜

難哉多情只有雙黃蝶猶趁西風過院來

三

東鄰虎士話翹關西塞鮒翁勸買山烽火幾時戎馬
息煙波何日釣船還三秋夢落蓴鱸後半世身居木
鴈間藥裏暫拋詩債急並無忙事不曾閒

四

窮巷偏多結駟車爭憐秋雨臥相如青囊分與刀圭
藥芝田論德以合
成八味丸見惠彩筆貽來錦帶書無肉不須愁蚤
蝨有心惟欲注蟲魚何當謝却知交去阿對泉邊自

種蔬

送古度南歸

豐臺紅藥正芳菲惆悵花前送爾歸市少千金嗟郭
隗裝無一絹笑胡威吟邊草向江南合望裏雲從薊
北飛江上青峰同調在寄聲莫戀舊漁磯

立春日再送姚菴

客中歲屢除樽前春復及念我同心人出宰盤錯邑
豈無彈冠慶別袂久難執無為惜分携努力事三立
何以遣離懷醉之以米汁坐覺條風迴陽和振幽螿

題耦長小照

憶昔燕市聚酒徒君爲素絲吾灌夫分携動經三五
載敬亭遙望增煩紆不訝蓬萍隔蹤跡不訝霜雪添
頭顱却訝論交二十載集中贈答一字無君才干莫
器瑚璉文陣免胄風爭趨人所應有無不有劔光玉
尹難描摹今年頗快合并久中春直至闌暑徂僦居
咫尺接坊曲騎驢又苦衝泥塗誰歟爲君寫此卷宴
坐邱壑神敷腴索我題詩久不報匪獨氣盡大小巫
貪向畫圖數晨夕摩挲不顧紙墨渝猶恨畫師少深

意不添夾侍雙鷓雛何當呼取禹鴻臚新知舊好少
長俱鵝溪三文行看子更作把酒論文圖

借山欲駐錫廬山屬麓臺作圖以送之

高僧欲就匡廬住先倩黃門畫作圖三疊泉飛知瀑
布一峰雲鎖識香爐定緣心雜嫌詩客莫遣眉攢失
酒徒我似樂天思結隱可容添畫草堂無

和朱翠庭買菊詩

吟成百十二明珠換得寒香四五株應笑喫虛豪衛
尉枉量三斛聘名姝

題耦長小照

憶昔燕市聚酒徒君爲素絲吾灌夫分携動經三五
載敬亭遙望增煩紆不訝蓬萍隔蹤跡不訝霜雪添
頭顱却訝論交二十載集中贈答一字無君才干莫
器瑚璉文陣免胄風爭趨人所應有無不有劔光玉
尹難描摹今年頗快合并久中春直至闌暑徂儻居
咫尺接坊曲騎驢又苦衝泥塗誰歟爲君寫此卷宴
坐邱壑神敷腴索我題詩久不報匪獨氣盡大小巫
貪向画图數晨夕摩挲不顧紙墨渝猶恨画師少深

意不添夾侍雙鷓雛何當呼取禹鴻臚新知舊好少
長俱鵝溪三文行看子更作把酒論文圖

借山欲駐錫廬山屬麓臺作圖以送之

高僧欲就匡廬住先倩黃門画作圖三疊泉飛知瀑
布一峰雲鎖識香爐定緣心雜嫌詩客莫遣眉攢失
酒徒我似樂天思結隱可容添画草堂無

和朱翠庭買菊詩

吟成百十二明珠換得寒香四五株應笑喫虛豪衛
尉枉量三斛聘名姝

載菊

篷窗笑擁傲霜枝，泛酒餐英事事宜。此外更容誰共

載一編，王局老仙詩。

君方較刻蘇詩

中秋前四日偕燕叔過悔人寓，留同崑繩壇長

德尹鉉，升劇談痛飲，即事分得炎字。

躡屐相携過老髯，泥他倉卒貫青帘。身閒愛作無何
飲客，好多於不速。占怪事，豈須論咄咄。大言聊共聽
炎炎，莫教雲際將圓月，枉照空杯下步檐。

送桐城相公子告歸里

調鼎功成日月邊，急流勇退志何堅。懸車疏傅非因
老謝，印留侯本是仙。山水久牽肥遯夢，乾坤多慶泰
交年。辭榮轉沐君恩重，盛事黃扉古未傳。

二

四十年來侍禁庭，始終一德表槐廳。心平似秤消
偏黨，節峻如山樹典型。元氣斟來依北極，重輪捧出
映前星。直將國事同家事，莫訝朝迴減鬢青。

三

得請頻聞，帝命宣教過冰雪。待新年，軫懷車騎馳

驅路特給郵符供頓錢別拜瓊瑤頒 鶴禁舊藏琬
琰耀龍箋載將 聖澤浮山去江介榮光夜燭天

四

曾霑 御帑買漁磯今日移家始得歸天上絲綸分
雨露山中泉石足光輝逢迎老友同遊屐檢點行裝
祇 賜衣整頓乾坤偕隱去古來名相似公稀

五

紫泥頻草玉堂麻手扶天章傍帝車稷契賡歌垂景
慶歐梅文運改奇衰金壺著作光青史玉筍人材出

絳紗最羨雙飛雛鳳好還將典冊當傳家

六

知己恩從吐握真都亭錄別戀征輪龐公牀下殷勤
拜越石車前感激新雞樹連陰收散木鳳池分潤活
枯鱗從今夜夜金臺側南極光中祝大椿

宋荔洲坐上詠燭花十韻

何事西窗燭翻同上苑枝暗移清夜漏巧弄艷陽姿
根以脂膏潤花非雨露滋漫供珠鳳戲俄見玉蟲垂
細蕊初如粟繁英或類芝最憐成穗後長是減光時

慣引飛蛾繞還疑舞蝶窺護持宜掩幕珍重莫敲棋
藜火吹來久蓮燈撤未遲好教頻下拜有喜報君知

歲除即事同雲岡大傳丹思鬯三二婿兒子農

祥用別歲韻

茶香酒辣總無嫌鄉里前賢勝賞兼

吾鄉李程諸公
倡和程有愛酒

不嫌茶之句知己不嗤三戰北依人俄作五年淹軟紅塵

土何由避蒼白髭鬚未許添紅皺莫將青子笑到頭

回味讓他甜

二

貧也猶蒙犬不嫌

諺有犬不嫌家貧之說

床頭金少况非兼唯

餘綺語多生習能使良朋竟日淹道士庭中花再看

司徒書後菜休添蓼蟲情性君休訝懶向蜂衙羨蜜

甜

前二詩成雲岡以為過於詫歎罰以巨觥因再

作長慶體歡喜詩二首

衰白人偏不我嫌詩壇酒社每教兼華筵開處長先

到秃筆揮時肯暫淹韻脚已窮猶強押杯心將溢更

頻添問君老去狂何甚祇有於中味稍甜

富貴神仙兩未嫌
鳴珂絕粒且須兼
前身恐是孫思邈
後樂曾期范仲淹
歲在己辰身轉健
曆週甲子算重添
不經辛苦酸鹹過
爭識從今已後甜

探春花八韻

誰報春消息幽叢獨擅名
似嫌池柳晚偏共嶺梅爭
細蕊衝寒發繁英映雪明
丁香應共結甲煎不如清
素艷霜華碎紅潮暈酒輕
每逢花信早便覺暖風生
豈待辛盤薦何煩綵仗迎
年年長被汝喚起踏春情

訪孔垣三疊學亭先生原韻

三過雲林閣皆當冰雪間
空邀塵外賞未解死生閒
岐路悲儒術虛銜掛道山
仙童應識我懶爲啓松關

二

避俗非人外藏名只世間
林泉供嘯傲雞犬亦蕭閒
妙墨珍潘谷危言笑買山
丸泥謝塵事堅過閉函關

三

我逃嵇呂厄君託惠夷間
老去翻能少忙真不及閒
淡然交若水仁者壽如山
願息飛騰意同叅覺夢關

呈孔翊宸先生

杏花壇畔仰中台曾薦青衫出草萊北海本來憐盛
憲東家何惜鑄顏回馳驅力盡悲鹽輒盼睐恩深愧
笛材莫道白頭難報德過庭詩學尚能陪

孔宏輿博士招集青藤書屋即席賦得茶換香

限魚字

不惜芽分穀雨初爲憐煙裊水沈餘筠籠鈿合交持
贈茗椀熏爐各自如厄笑王濛應得免癖傳荀令未
全除頭綱聲價雖珍重爭解芸編辟蝨魚

戲詠冰車

得向層冰自在游車行非陸水非舟能無履薄臨深
懼更免摧轅覆轍憂快比隻輪馳峻坂穩於雙槳泛
安流還思秧馬江鄉樂雀躍春泥滿綠疇

寄陸謙吉客瓊州

辛苦珠厓客依人跡似萍孤身浮海去五指插天青
颺避雌雄蜺潮占長短星檳榔花辟瘴方法試醫經
太子太保耿懋敏公尚柔嘉公主其愛女爲今
學士納蘭公夫人今年冬

皇上眷念懿親 召夫人入宮講家人之禮命

宜德 二妃陪宴 賚宮纈八玉釧珠簪冬一復撤

御饌送歸以進相國皆亘古未有之

殊恩異數也 致彌 為耿公舊客忻感交集恭賦以

紀其盛

鳳凰樓上掌中珠行馬門高拜翟禴 楓陛論親甥

舅重椒風列宴主賓俱已叨異寶頒 天府更捧兼

珍出 御厨始信生男爭似女能承餘澤上雲衢

萬壽節 暢春園恭紀二首

寶籙綿長景運隆鍾祥華渚紀流虹 九重澤沛春

臺上萬國歡騰壽域中水挹丹稜如拜洛苑連青障

聽呼嵩趨朝喜見 堯天近五色雲開旭日紅

二

宮花苑柳映參差劔佩分行繞玉墀 德仰乾坤真

莫並 恩沾草木豈無知幸逢海晏河清日共和天

長地久辭歲歲 上林同拜舞萬年枝下肅朝儀

題李寅谷西溪草堂次昌黎公韻

小築聽鶯樹兼營鬪鴨闌芳時同嘯侶永日共投竿

密樹藏幽徑輕鷗下淺灘不教漁父識獬廡昔曾冠

二

幽事頻牽夢長才未許閒偶因辭節鉞翻得賞溪山
擺極香千頃芙蓉水一灣但愁丹鳳詔還到白雲間

三

柳下隴柳棹花邊轂鯨車身曾依日月心只戀煙霞
把酒春常駐尋詩日未斜捻書如見許賃舍向鄰家

四

空翠千峰合晴光照野亭得公爲地主真不負山靈

沙淺留鴻爪林深養鶴翎誰能教畫史寫入鮑昭屏

喜西齋移寓西鄰用香山與元八結鄰韻

同心同舉最情親僦舍同棲乞米身恰稱聯吟兼賭
酒但羞華髮對青春郇成自昔能分宅王翰於今果
卜鄰贏得街頭傳好語往來車馬盡騷人

琛似鍾甥歸故居喜而有作

韓康甥舅久同居此日忻聞返故廬五世尚留君子
澤一編曾受老人書毋忘樹德滋蘭畹好待揚名上
玉除須學咎繇古懿士牢之潦倒莫相如

國



